



國家清史編纂委員會・文獻叢刊

八編

清代稿鈔本

第三八六冊

國家清史編纂委員會·文獻叢刊

八編

清代稿鈔本

第三八六冊

廣東省立中山圖書館
中山大學圖書館

編

主編 桑兵
副主編 李昭醇

程煥文
劉洪輝

SPM

南方出版傳媒
廣東人民出版社

·廣州·

第三八六冊目錄

岳鄂王詩文集 附雜鈔 一

時藝精選 一五九

文鈔 四七九

岳鄂王詩文集

附雜鈔

不分卷

佚名輯

鈔本

廣東省立中山圖書館藏

澹生堂藏書約

祁永燾

流通古書約

曹溶

冠蓬山房讀書記

楊璧堂

岳鄂王詩文集


題池州翠光亭五言律

愛此倚欄杆誰同寓目閑
輕陰弄晴日秀色隱空山
島樹蕭蕭外征帆杳靄間
予雖江上老身羨白雲閑

題齊山翠微亭七言絕

經年塵土滿征衣得得尋芳上翠微
好水好山觀未足馬蹄催趁月明歸

誓志詩



爽氣堂堂貫斗牛
誓將直節報君仇
斬除元惡還車駕
不用登壇萬戶侯

平胡詞

滿江紅

怒髮冲冠
凭欄處
瀟瀟雨歇
抬望眼
仰天長嘯
壯懷激烈
三十功名塵如土
八千里路雲和月
莫等閑
白了少年空悲切
靖康恥猶未雪
臣子恨何日泄
駕長虹
踏破賀蘭山缺
壯志飢餐敵
肉
談笑渴飲賊子血
待從頭
收拾舊山河
朝天闕

上和議未便疏

委敬上言於漢帝魏絳發策于晉侯皆以為盟墨未乾口血猶
在俄驅南牧之馬旋興北伐之師蓋夷虜不情而狗羊無信莫
守金石之約難充谿壑之求圖暫安而解倒懸猶云可也顧長
慮而尊中國豈其然乎臣幸遇明時獲覩盛事身居將閫功無
補于涓埃口誦詔書面有慚于軍旅尚作聰明而過慮徒懷猶
豫以致疑臣謂無事而請和者謀恐卑詞而益幣者進願定謀
于全勝期收地于兩河唾手燕雲終欲復讐而報國誓心天地
當令稽首以稱藩

○論恢復疏

詳下頁

金人所以立劉豫於江南蓋欲荼毒中原以中國攻中國粘罕
因得休兵觀釁臣欲陛下假臣日月便則提兵趨京洛據河陽
陝府潼關以號召五路叛將叛將既還遣王師前進彼必棄汴
而走河北京畿陝右可以盡復然後分兵瀋滑經畧兩河如此
則劉豫成擒金人遠遁社稷長久之計實在此舉

館宜興張氏圃題名廳事

近中原板蕩金人長驅如入無人之境將帥無能不及長城之

壯余發憤河朔起自相臺總髮從軍大小二百餘戰雖不及遠
涉邊荒亦足怪國事之萬一今又提一壘孤軍振起宜建康之
城一舉而復令且收兵養卒以待如或朝廷見念賜予器甲使
之完備頒降功賞使人蒙恩即當深入邊庭迎二聖復還京師
取故地再上版籍他時過此勒功金石豈不快哉此心一發天
地知之知我者知之建炎四年六月河朔岳某書

良馬對

高宗問岳某曰卿得良馬否對曰臣有二馬日啗芻豆數

斗飲泉一斛然非精潔即不受介而馳初不甚疾比行
百里始奮迅自午至酉猶可二百里褫鞍甲而不息不
汗若無事然此其受大而不苟取力裕而不求逞致遠之
材也不幸相繼以死今所乘者日不過數升而秣不擇粟
飲不擇泉攬轡未安踴躍疾驅甫百里力竭汗喘殆欲
斃然此其寡取易盈好逞易窮駑鈍之材也高宗稱

出師疏

臣伏自國家變故以來起于白屋實懷捐軀報國雪復讐恥之心幸憑社稷威靈前後粗立薄效而陛下錄臣微勞擢自布衣曾未十年官至太尉品秩比三公恩數視二府又增重使名宣撫諸路臣一介微賤寵榮超躐有踰涯分今者又蒙益臣軍馬使濟恢圖臣實何人誤辱神聖之知如此敢不晝度夜思以圖報稱臣揣敵情所以立劉豫于河南而付之齊秦之地者蓋欲荼毒中原生靈以中國而攻中國也尼瑪哈因得休兵養馬觀

勢乘隙已藏不淺臣不及此時稟陛下睿算妙略以伐其謀使
劉豫父子隔絕五路叛將還歸兩河故地漸復則金人詭計日
生他時浸益難圖然臣愚欲望陛下假臣日月勿復拘淹速使
敵莫測臣舉措萬得便可入則提兵直趨京洛據河陽陝府
潼關以號召五路叛將則劉豫必舍汴都而走河北京畿陝右
可以盡復至于京東諸郡陛下付之韓世忠張俊亦可便下臣
然後分兵濬滑經畧兩河劉豫父子斷必成擒如此則大遼有
可立之形金人有破滅之理四夷可以平定為陛下社稷良久

無窮之計實在此舉假令汝穎陳蔡堅壁清野商於虢畧分屯
要害進或無糧可因攻或難于餽運臣須斂兵還保上流敵定
追襲而南臣俟其來當率諸將或挫其銳或待其疲敵利速戰
不得所欲勢必復還臣當設法邀其歸路小入必小勝大入必
大勝然後徐謀再舉設若敵見上流進兵併力來侵淮上或分
兵攻犯四川臣即長驅擣其巢穴敵困于奔命勢窮力殫縱今
年未盡平殄來歲必得所欲亦不過二三年間可以盡復故地
陛下還歸舊京或進都襄陽關中惟陛下所指揮也臣聞興師

十萬日費千金邦內騷動七十萬家此豈細事然古者命將出
師民不再役糧不再籍蓋慮周而足用也今臣部曲遠在上流
去朝廷數千里平時每有糧食不足之憂是以去秋臣兵深入
陝洛而在寨卒伍有饑餓間走故臣急還不遂前功致使敵地
陷偽忠義之人旋被屠殺皆臣之罪今日惟賴陛下戒敕有司
廣為儲脩俾臣得一意靜慮不為兵食亂其方寸則謀定計審
仰遵陛下成算必能濟此大事也異時迎還太上皇帝寧德皇
后梓宮奉邀天眷歸國使宗廟再安萬姓同歡陛下高枕無

北顧憂臣之志願畢矣然後乞身還歸田里此臣夙昔所自許者伏惟陛下恕臣狂易臣無任戰汗取進止

書簡

某愚陋無堪備數茲者仰遵聖算枯捕湖寇幸于暮月之間平靜亦賴餘訖所及耳遽辱寵問過蒙推借祇益感慚而已伏惟幸察

即日伏惟坐鎮之暇陰有神相萬福千祿來護興寢謹拜啟承候不宣